

Headline	UPM juara nasyid tiga tahun berturut-turut	Language	MALAY
Date	04. Oct 2008	Page No	25
Media Title	Harian Metro	Article Size	99 cm²
Section	Setempat	Frequency	Daily
Circulation	336603	Color	Full Color
Readership	2192000	AdValue	1275.80



UPM juara nasyid tiga tahun berturut-turut

KUALA LUMPUR: Kumpulan Nasyid Nahwan Nur Universiti Putra Malaysia (UPM) berjaya mempertahankan kejuaraan tiga tahun berturut-turut apabila sekali lagi dinobatkan johan pada Festival Nasyid Kemerdekaan Institut Pengajian Tinggi (IPT) Kebangsaan.

Festival nasyid kali kelima diadakan sempena sambutan kemerdekaan negara ke-51 itu membawa tuah kepada Kumpulan Nahwan Nur apabila berjaya membawa pulang wang tunai RM2,500 bersama piala pusingan Tuanku Canselor Universiti Malaysia Perlis (UniMAP) sebagai hadiah utama.

Pegawai Unit Media UPM, Khairil Sarip, berkata festival nasyid yang berlangsung di Dewan Kapitol UniMAP, sebagaimana dilaksanakan pada Sabtu lalu turut disertai beberapa IPT lain antaranya Universiti Utara Malaysia, Universiti Teknologi Mara (UiTM) dan Universiti Teknologi Petronas (UTP).

Katanya, pada festival itu, Kumpulan Nahwan Nur yang bernaung di bawah Unit Seni Budaya dan Kreatif, Bahagian Hal Ehwal Pelajar (BHEP) UPM, mempersembahkan dua lagu ciptaan sendiri bertajuk 'Wacana Merdeka' dan 'Cemerlang Akhlak Sahsiah Terpuji' berjaya menewaskan beberapa peserta lain untuk membolot tempat pertama.

Selain dinobatkan sebagai johan, kejayaan mereka lebih manis apabila turut dipilih sebagai pemenang persembahan terbaik.